

補間、南曹等奏聞不可、叶由申切了、度々爲寺門當職可執申由頻申間、附南曹處令辭退南曹、雖然及大訴間、今日附長橋局令奏聞了、

〔大乘院寺社雜事記〕文明十三年十二月六日、三條公躬卿放氏之間、辭大納言畢、續氏事色々計略、自越智申寺門歟之由、中納言被語之、同番代事、中納言沙汰不可、然由、東院僧正令申間、驚入辭退之由、同被相語了、東院僧正は、一昨日下向、在京無益事也、近日准后義政御隱居間、御沙汰事被止之了、

旁以不運事也、田那部庄事は、所務被居中途歟云々、三條故公綱卿息女、自御臺御罪科之間、彼息女之領知共被返附公躬卿了、總領ニ附者也、

〔親長卿記〕文明十四年四月十九日、及晚詣三條前大納言公躬許、先日來臨之禮也、續氏事種々廻計略之由相語之、

削滅氏字

〔續日本紀元七〕靈龜二年九月癸巳、正七位上山背甲作客小友等、二十一人、訴免雜戶、除山背甲作四字、改賜客姓、

〔續日本紀聖十六〕天平十七年八月甲午、從五位下中臣熊凝朝臣五百島、除中臣爲熊凝朝臣、

〔續日本紀淳二十五〕天平寶字八年七月丁未、大學大允從六位上殖粟占連咋麻呂、訴請除占字許之、

〔續日本紀桓武三十七〕延曆元年十一月丁未、式部史生正八位下倭漢忌寸木津吉人等八人言、吉人等、是阿智使主之後也、是以蒙賜忌寸之姓、可注倭漢木津忌寸、而誤記倭漢忌寸木津、姓字繁多、唱導不穩、

望請除倭漢二字、爲木津忌寸許之、

〔續日本紀桓武三十九〕延曆五年十二月乙卯、陰陽助正六位上路三野真人石守言、己父馬養、姓無路字、而今石守獨著路字、請除之許焉、

釐正姓氏

〔新撰姓氏錄序〕允恭御宇、萬姓紛紜、時下詔旨、盟神探湯、首實者全、冒虛者害、自茲厥後、氏姓自定、更無詐人、